

Siá hō Êhusoh Kàuhōe ê Phoe

2 “Lí tiòh siá phoe hō Êhusoh kàuhōe ê sùchiá, kóng: Hit Ūi chiàⁿchhiú thèh chhit liáp cheⁿ, tī chhit ki kim tengtâi tiongng teh kiáⁿ ê, áne kóng: 2 Góa chai lí ê số chò, lí ê lôkhó, kah lí ê thunlún, mā chai lí bē tàng iôngín hiahê chò pháiⁿ ê lâng. Lí mā ū khógiām hiahê chūchheng sī sùtô, kîsít pēng m̄ sī ê lâng, jíchhiáⁿ khòàⁿ chhut in sī teh kóng pèhchhát. 3 Lí mā ē thunlún, koh bat ū tiòh Góa ê miá jímsiū khólan, lóng bò iàsiān. 4 M̄ koh, ū chit hāng tāichì, Góa beh chekpī lí, tòh sī lí íkeng khìsak khíthâu tùi Góa ê thiàⁿ. 5 Sói, lí tiòh ē kítit lí sī tùi tóuī poáhtó ê, koh tiòh hóekái, chò lí khíthâu teh chò ê tāichì; nā bô, Góa ē khì kàu lí hia, kā lí ê tengtâi sóacháu. 6 M̄ koh, lí iáu ū chit hāng khóchhú ê tāichì, tòh sī lí mā kah Góa kángkhoán, thònghūn Níkoláu phài ê lâng số chò ê tāichì. 7 Kiànnā ū hīⁿkhang ê lâng lóng tiòh thiaⁿ Sènglêng tùi chiahê kàuhōe số kóng ê òe: Teksèng ê lâng, Góa beh hō i chiáh SiōngChú ê lòkhng tiong hit chāng sèⁿmiā chhiū ê kóechí.”

Siá hō Sūmúná Kàuhōe ê Phoe

8 “Lí tiòh siá phoe hō Sūmúná kàuhōe ê sùchiá, kóng: Hit Ūi khíthâu ê kah kiátbóe ê, koh bat tùi sílāng tiong kohoáh ê, áne kóng: 9 Góa chai lí ê khólan kah sanchhiah; kîsít lí khiok sī hùchiok ê. Góa mā chai lí ū siū tiòh hiahê chūchheng sī lúthài lâng ê lâng kā lí húipòng; kîsít in m̄ sī lúthài lâng, in sī siòk Satàn ê hōetng. 10 M̄ bián kiaⁿ lí teh beh chosiū ê khólan. Lí khòàⁿ, Môkúi beh kā lín tiongkan kúinā ê lâng hiat jip kaⁿgák, hō lín siū khógiām; lín ē chosiū chap kang ê khólan. Lín tiòh chīntiong kàu sí, Góa tòh ē siúⁿsù lín sèⁿmiā ê êngkoan. 11 Kiànnā ū hīⁿkhang ê lâng lóng tiòh thiaⁿ Sènglêng tùi chiahê kàuhōe số kóng ê òe: Teksèng ê lâng choattùi bē chosiū tē jī pái síbông ê sionghāi.”

Siá hō Piátgamô Kàuhōe ê Phoe

寫 hō以弗所教會 ê Phoe

2 「你 tiòh 寫 phoe hō以弗所教會 ê 使者，講：Hit 位正手 thèh 七粒星，tī 七支金燈台中央 teh 行 ê，áne 講：2 我知你 ê 所做、你 ê 勞苦，kah 你 ê 吞忍，mā 知你 bē tàng 容允 hiahê 做 pháiⁿ ê 人。你 mā 有考驗 hiahê 自稱是使徒，其實並 m̄ 是 ê 人，而且看出 in 是 teh 講白賊。3 你 mā ē 吞忍，koh bat 為 tiòh 我 ê 名忍受苦難，lóng 無厭倦。4 M̄ koh，有一項 tāichì，我 beh 責備你，tòh 是你已經棄 sak 起頭對我 ê 疼。5 所以，你 tiòh ē 記得你是 tùi tó 位跋倒 ê，koh tiòh 悔改，做你起頭 teh 做 ê tāichì；若無，我 ē 去到你 hia，kā 你 ê 燈台徙走。6 M̄ koh，你 iáu 有一項可取 ê tāichì，tòh 是你 mā kah 我全款，痛恨尼哥拉派 ê 人所做 ê tāichì。7 見若有耳孔 ê 人 lóng tiòh 聽聖靈對 chiahê 教會所講 ê 話：得勝 ê 人，我 beh hō伊食上主 ê 樂園中 hit 橫性命樹 ê 果 chí。」

寫 hō士每拿教會 ê Phoe

8 「你 tiòh 寫 phoe hō士每拿教會 ê 使者，講：Hit 位起頭 ê kah 結尾 ê，koh bat tùi 死人中 koh 活 ê，áne 講：9 我知你 ê 苦難 kah sanchhiah；其實你卻是富足 ê。我 mā 知你有受 tiòh hiahê 自稱是猶太人 ê 人 kā 你誹謗；其實 in m̄ 是猶太人，in 是屬撒旦 ê 會堂。10 M̄ 免驚你 teh beh 遭受 ê 苦難。你看，魔鬼 beh kā lín 中間幾 nā 個人 hiat 入監獄，hō lín 受考驗；lín ē 遭受十工 ê 苦難。Lín tiòh 盡忠到死，我 tòh ē 賞賜 lín 性命 ê 榮冠。11 見若有耳孔 ê 人 lóng tiòh 聽聖靈對 chiahê 教會所講 ê 話：得勝 ê 人絕對 bē 遭受第二 pái 死亡 ê 傷害。」

寫 hō別迦摩教會 ê Phoe

12 “Lí tiòh siá phoe hō Piátgamô kàuhōe ê sùchiá, kóng: Ū siangbīn lâi ê kiàm ê Hit Ūi áne kóng: 13 Góa chai lí số khiākhiê ê sốchāi tòh sī tī Satàn ê chōūi hia. M̄ koh, lí chhisiú Góa ê miâ, sīmchì tng Góa tionsit ê kiànchêngjīn Antìphà tī Mòkúi ê tēpōaⁿ hō lāng sathāi ê sī, lí mā bô khìsak tui Góa ê sìnsim. 14 M̄ koh, ū kúi hāng tāichì Góa beh chekpī lí, inūi tī lín tiongkan ū lāng chhisiú Palân ê kāsī. Chitê Palân bat sáilōng Baal, khì bêhèk Isulael ê kiáⁿsun, hō in chiáh chèkòe ngósiōng ê mih, koh kiáⁿ kanîm. 15 Chhinchhiūⁿ áne, lín tiongkan mā ū lāng chhisiú Nìkoláu phài ê kāsī. 16 Sói, lín tiòh hóekái, nā bô, Góa liāmpiⁿ ē khì kàu lín hia, ēng Góa chhūilāi ê kiàm tui in khuichiàn. 17 Kiànnā ū hīⁿkhang ê lāng lóng tiòh thiaⁿ Sènglêng kā chiahê kàuhōe số kóng ê òe: Teksèng ê lāng, Góa beh kā póchūn khí lâi ê máná siúⁿsù i, mā beh hō i chit tē pèhchiòh, chiòh ê téngbīn kek sin ê miâ; túliáu niásiū ê lāng ígōa, bô lāng chai chitê miâ.”

Siá hō Thuatílah Kàuhōe ê Phoe

18 “Lí tiòh siá phoe hō Thuatílah kàuhōe ê sùchiá, kóng: SiōngChú ê Kiáⁿ, iā tòh sī bákchiu chhinchhiūⁿ hóeiām, kha chhinchhiūⁿ bôakòe ê tâng hiahnih kim ê Hit Ūi áne kóng: 19 Góa chai lí số chò ê, lí ê thiàⁿsim, sìnsim, hòksāi kah thunlún, mā chai lí lōbóe teh chò ê pí khíthâu ê koh khah chē. 20 M̄ koh, ū chit hāng tāichì Góa beh chekpī lí, tòh sī lí lōngín hitê chūchheng sī tāigiânjīn ê chabó lāng léchebel, sáilōng koh bêhèk Góa ê pòkjīn khì kiáⁿ kanîm, koh chiáh chèkòe ngósiōng ê chiáhmih. 21 Góa bat hō i kihōe hóekái, i khiok m̄ khéng hóekái, koh kèsìok i ê ìmloān. 22 Khòⁿ ah, Góa beh hō i phòapēⁿ tó tī bīnchhng; hiahê kah i kiáⁿ kanîm ê lāng, nā bô hóekái koh thêngchí in ê ìmloān, Góa mā beh hō in chosiū tōa chailān. 23 Góa beh ēng síbōng lái siaubiát hiahê kintòe i ê lāng, áne, chêng kàuhōe tòh lóng ē chai, Góa tòh sī tōngchhat lāng ê simsu ìliām ê Hit Ūi, jīchhiáⁿ Góa beh chiàu lín tàk lāng ê kiáⁿtáh, hō lín èngtit ê pòèng. 24 M̄ koh, lín

12 「你 tiòh 寫 phoe hō 別迦摩教會 ê 使者，講：有雙面利 ê 劍 ê Hit 位 áne 講： 13 我知你所 khiā 起 ê 所在 tòh 是 tī 撒旦 ê 座位 hia。M̄ koh，你持守我 ê 名，甚至當我忠實 ê 見證人安提帕 tī 魔鬼 ê 地盤 hō 人殺害 ê 時，你 mā 無棄 sak 對我 ê 信心。 14 M̄ koh，有幾項 tāichì 我 beh 責備你，因為 tī lín 中間有人持守巴蘭 ê 教示。Chitê 巴蘭 bat 使弄巴勒，去迷惑以色列 ê kiáⁿ 孫，hō in 食祭過偶像 ê 物，koh 行姦淫。 15 親像 áne，lín 中間 mā 有人持守尼哥拉派 ê 教示。 16 所以，lín tiòh 悔改，若無，我 liāmpiⁿ ē 去到 lín hia，用我嘴內 ê 劍對 in 開戰。 17 見若有耳孔 ê 人 lóng tiòh 聽聖靈 kā chiahê 教會所講 ê 話：得勝 ê 人，我 beh kā 保存起來 ê 嗎哪賞賜伊，mā beh hō 伊一塊白石，石 ê 頂面刻新 ê 名；除了領受 ê 人以外，無人知 chitê 名。」

寫 hō 推雅推喇教會 ê Phoe

18 「你 tiòh 寫 phoe hō 推雅推喇教會 ê 使者，講：上主 ê Kiáⁿ，也 tòh 是目 chiu 親像火焰，腳親像磨過 ê 銅 hiahnih 金 ê Hit 位 áne 講： 19 我知你所做 ê、你 ê 疼心、信心、服事 kah 吞忍，mā 知你路尾 teh 做 ê 比起頭 ê koh khah chē。 20 M̄ koh，有一項 tāichì 我 beh 責備你，tòh 是你容允 hitê 自稱是代言人 ê chabó 人耶洗別，使弄 koh 迷惑我 ê 僕人去行姦淫，koh 食祭過偶像 ê 食物。 21 我 bat hō 她機會悔改，她卻 m̄ 肯悔改，koh 繼續她 ê 淫亂。 22 看 ah，我 beh hō 她破病倒 tī 眠床；hiahê kah 她行姦淫 ê 人，若無悔改 koh 停止 in ê 淫亂，我 mā beh hō in 遭受大災難。 23 我 beh 用死亡來消滅 hiahê 跟 tòe 她 ê 人，áne，眾教會 tòh lóng ē 知，我 tòh 是洞察人 ê 心思意念 ê Hit 位，而且我 beh 照 lín tàk 人 ê 行踏，hō lín 應得 ê 報應。 24 M̄ koh，lín tī 推雅推喇 ê 其他 ê 人，也 tòh 是 hiahê m̄ bat 領受過 chitê 教示，mā m̄ bat 所謂 ê 撒旦奧祕 ê 人，我 kā lín 講，我 bē 加添任何其他 ê 重擔 hō lín。 25 總是，lín tiòh 持守 lín 所

tī Thuatílah ê kitha ê lâng, iā tòh sī hiahê m̄ bat niásiū kòe chit ê kàsī, mā m̄ bat sóūi ê Satàn òpì ê lâng, Góa kā lín kóng, Góa bē kethiⁿ jīm̄hō kitha ê tângtàⁿ hō lín. 25 Chóng sī, lín tiòh chhisiú lín sóū ê, títkàu Góa lâi. 26 Kiànnā teksèng koh kèsìok chunsiú Góa ê bēnglêng, tít kàu lōbé ê lâng, Góa beh sù i koànpèng thang tīlī bānkòk. 27 I beh ēng thihkoái koánhat in, chhinchhiūⁿ kā hùikhì kòng chhùi; tú chhinchhiūⁿ Góa mā ū tùi Góa ê ThiⁿPē niásiū koànpèng kàngkhoán. 28 Góa mā beh kā khébêngchheⁿ sù hō teksèng ê lâng. 29 Kiànnā ū hīⁿkhang ê lâng lóng tiòh thiaⁿ Sènglêng tùi chiahê kàuhōe só kóng ê òe.”

有 ê，直到我來。 26 見若得勝 koh 繼續遵守我 ê 命令，直到路尾 ê 人，我 beh 賜伊權柄 thang 治理萬國。 27 伊 beh 用鐵柺管轄 in，親像 kā 磁器損碎；tú 親像我 mā 有 tùi 我 ê 天父領受權柄 仝款。 28 我 mā beh kā 啟明星賜 hō得勝 ê 人。 29 見若有耳孔 ê 人 lóng tiòh 聽聖靈對 chiahê 教會所講 ê 話。」